

周氏醫學啟書



痢

食菜下痢腹痛。是初因寒溼傷脾。

胃氣鬱結。壅塞不通。

沉利後痛不減。腹中硬起不和。不得折通。明甚。當以

不可分利。

苦泄小腸。兼分利而治。

川連

黃柏

苦楝皮

澤瀉

木通

枳實

太苦

可加香砂。看證。仍是夾寒。可兼溫通。

裏急後重。腹痛便膿。秘塞不爽。久延交冬。乃是腸滯不

通。法當宣通氣血。

久利有邪實。有正虛。腹痛不爽。虛實皆有此證。須憑色脈爲斷。當治

久利四年。略無實證。又略無虛形。診脈弦大而滑。遂從實治而愈。

○紫苑

厚樸

炒黑地榆

製軍

桔梗

木香

炒黑查肉

炒青皮

此方理氣滯。消食積。是從實治。固因裏急。

言果至矣
後重。且凡久利。但不見虛象者。
皆屬於實。皆屬溼熱。無溼寒者。

腸澼下白沫者。肺氣下移。經言氣併於陰。猶云陽下陷

也。又云脉沈則生。浮則危者。恐虛陽欲撒之象。而真

氣欲離耳。

寥寥數語。而三引經文。看似淺近。非胸中雪亮者。其孰能之。

人參 炮薑 桂枝木 黑於朮 炮附子

大棗 炙甘草

口中乾燥。小水全無。泉源已竭。陰液無以上承。利證際

口都是溼熱。壅於胃口。下元衰憊。衝脉氣震高突。此

攻病保真。理難捉摸。

川連 草決明 石蓮 黃芩 烏梅 白芍

生胃

津而鎮

肝逆

少腹痛下痢帶血

黃芩 炙草 炒銀花 炒丹皮

痢止咳頻。脉虛形寒多悸。進甘緩法。小建中去薑加玉竹。

陰絡受傷。下午黃昏爲甚。非治痢通套可效。大旨以守陰爲法。

熟地炭 建蓮 茯苓 五味子 赤石脂

澤瀉 阿膠

久痢肛墜。診脉左堅沈。溫劑不受。陰傷不司收納。前用

桃花湯少減。當與甘酸柔緩。據脉證是溼熱漬入血分。木鬱土中。肝氣下陷。

宜用辛涼宣散。佐以苦堅。

人參

炙草

熟地炭

柿餅炭

五味子

疝

高年疝證。是下元虛氣冷凝。互結聚攻墜。乃沈痼之疾。

只因不能達下

藥難取效。煖氣助陽。鼓動俾陰邪濁氣稍解。不過暫

時小安耳。病在肝腎。道路紆遠。藥必從咽入胃。由胃

入腸。始達病所。而上中無病之處。必受疝藥攻剋之。

陽氣雄有傷胃。陰非高年所宜。

累倘胃減妨食。何以救療。夫陰濁盤踞成形。例取純

陽氣雄之藥。昔胡大封翁高年宿疝。用十全大補不

效。喻氏駁其半陰半陽非法。議以薑附爲丸。參苓爲

衣。喉間知有參苓。過胃始露。猛烈之威靈。恪攻病所。

此議甚正。

。生炮附子 淡乾薑 大茴香炒 研爲細末。眞水

安息香三錢。搗爲小丸。以人參末不拘多少爲衣。早服二錢。少少進湯送下。

發熱痰喘。胸滿身痛。左邊羣丸不時逆上。痛不可忍。肝

脉弦急。肺脉獨大。此肺肝受邪之故也。肝爲木藏。其

化風。其生火。風火合邪。旺於木位。則爲熱爲痛。乘於

肺金。則爲痰爲喘。法宜滋達肺金。兼疏肝木。此與下案不似

先生手筆。此證當是風寒傷於尻陰。因勞力房室而得之。方味只能清上。不能攻下。

萸仁 紫苑 半麴 川貝 桔梗 枳殼

杏仁 蘇子 柴胡 秦艽

陰莖作痛。痛甚而憤。診兩脉浮虛而濇。浮爲氣虛。濇乃精傷。陰陽兩虛得之。憂思勞鬱而傷中也。經云。陽明

爲氣血之海。主潤宗筋。又陽氣者。精則養神。柔則養筋。今多悵鬱。則氣必傷。又任勞倦。則血必耗。氣血兩傷。宗筋失潤。故令作痛。治以當歸補血湯。加此心腎心不得遂。則肝鬱而氣竄入腎。發爲疝痛。下極而上。故憤而見心病矣。案中引經。於病情不甚貼切。

人參 甘草 秦艽 桂心 紅花

繼用歸脾湯調理

渴熱向愈。自更衣。用力陰囊忽大。此宿疝舉發。明明陰虛氣墜。非子和七疝同法。身確切前陷墜。任脉失其擔任。小便通調。酸甘定議。如小便不通。卽當用辛甘化陽法矣。

人參 天冬 熟地 萸肉 川石斛 炙草

健脾藥
並用

疝攻上觸必傾囊嘔物。此胃中得食氣壅肝邪無以洩。越得吐而解。蓋木鬱達之也。此番病發原自怒起。其爲肝厥何疑。

炒黑川椒 炒小茴香 川楝子 橘核

青皮汁

青木香

此氣分之病。肝氣逆於胃絡。當從胃疏其肝氣。此方可加。

牡蠣木瓜半夏白芍焦查
川芎疏降胃濁攝納肝逆。

狐疝

淡薤蓉 枸杞 巴戟 茯苓 沙蒺藜

當歸

茴香

眞肉桂

肉桂獨於此病爲要藥。此方與下案俱屬肝腎。

虛寒
治法。

狐疝者。厥陰之痺也。發則睪丸痛引少腹。得嘔氣泄則。

止此屬寒溼之阻。議以利溼溫經祛風丸方服久自愈。

。川棟子 小茴香 淫羊藿 胡蘆巴 茯苓

半夏 杜仲 韭子 砂仁 防風

當歸 漂淡苳蓉 泡淡吳茱萸 雙合

水泛丸日服二次每服二錢五分

此等方乃唐人派藥味稠疊

以氣味濃厚制勝彼貌託得仲景心傳舉手便書小建中者安得不言馬腫背。

甯波

四十八

七疝肝病爲多病發有聲响爲氣疝寒入

募絡積疝堅硬下墜宜入味加大茴香胡蘆巴

師沙橋

六十三

寒入厥陰之絡結爲氣疝痛則氣脹上

升氣消絕無形蹟老年下元已乏勿與破氣攻疝宜

溫養下元爲主。尿管脹。是阻溺。當佐以通陽。做香茸丸法。

鹿茸 麝香 當歸 青鹽 韭子 蛇牀子

覆盆子 大茴香

胃病治法

疝病六經皆有而陽明厥陰爲多

小川連三錢鹽水炒 鹿角霜一兩 炒當歸一兩 淡薑五錢

生香附二兩 生曬茯苓一兩 炒黑小茴一兩

山查肉二兩 生川楝子肉一兩 水泛爲丸

厥陰腹痛引胸脇。便難。畢九腫。便難與前小便通調一案。互參用藥法。

○ 當歸鬚 延胡索 小茴香 桃仁泥 川楝子 官桂。

精氣不旺。邪留腎絡不解。大凡邪在陽。可散。入陰之邪。必溫。經可託出。留邪爲解之化之。不同法也。此案不似先生手筆當是假案

人參

鹿茸

鹿角霜

舶茴香

當歸

細辛



癥痞 婦科別出

病因食物不節。其受病在脾胃。既成形象在左脇之旁。是五積六聚。喜煖惡寒。陽氣久傷。溫劑必佐宣通。食物宜慎。

草果 萆撥 雞內金 砂仁殼 厚樸 廣皮
阿魏搗丸

臍旁有塊。仍流動。按之更。或時攻脇刺痛。外腎寒冷拘束。病屬肝血腎精之損。凡腎當溫。肝宜涼。腎主藏納。肝喜疎泄。收納佐以流通。溫腎涼肝。是此病製方之大法。

當歸身 枸杞子 生牡蠣 炙鼈甲 小茴香

沙蒺藜

當歸小荷二味俱溫肝藥。

膈間腫橫如臂。堅硬痛楚。體髀腋股皆腫。經謂之伏梁。

又曰風根。此下焦陽虛。氣不能運化也。此屬危證。勉

擬一方。恐未能效。

此蓋下受溼邪。上受風邪。上下相結。升降開闔俱痺。致成此證。治宜

從太陽陽明兩經設法。而尤重在陽明。峻藥緩服。或能見功。

淡川附

萆澄茄

人參

鹿茸

茯苓

擬方。用礬石以

助心陽。硝砂以攻血結。佐以辛溫走絡之品。少少緩服。輔以補養湯劑。

傷酒漏風

吐血便血漏瘍有因傷酒者已分入各門

行走多動陽酒溼多變熱熱氣上升犯冒清竅頭蒙聒脹衄血成流上齟腐瘍久必漏卮世俗通套每用犀角地黃然酒性先入膽次及胃酒客性惡甜膩從苦降定議以苦能却溼也

桑葉 苦丁茶 連翹心 荷葉邊 丹皮

射干

酒毒內燔吐血甚多六七日後瘀血又從大便出酒性先入肝膽次及胃絡照一臟一腑對治勿驟用膩滯陰藥

金石斛 丹參 稽豆皮 銀花 地骨皮

丹皮

黑山梔

雲茯苓

宜兼顧肺陰。防成肺痿。

身熱解墮。惡風汗出如雨。喘渴不任勞事。內經謂漏風證。此飲酒汗出當風邪留腠理也。

白朮

澤瀉

麋銜草

新會皮

這一味加得好。

國朝喻氏謂酒熱先入肝膽。謹慎者飲之。可以壯膽。好飲多年。以致發瘡。其酒毒頗得外泄。以分其勢。瘡愈癰。搐厥逆全歸肝絡矣。用藥以大苦大寒直清其下。

蘆薈

青黛

龍膽草

郁李仁

胡黃連

黑山梔調入猪膽汁

此方太苦無理。癰厥起於瘡。愈是毒氣內陷也。所以內陷。

由於瘡久氣虛也。治之正宜助氣益血。生津清熱。充其內陰鼓其表陽。使酒毒仍從腠理達出。重用苦降。不益之內陷耶。